


## E je ore di Conte dal Mês!



E l' Ostîr il so lu à fat, e chest mêś al à domandât parfin jutori a cualchidun dai siei colaboradôrs e al à tirade fûr une altre sorprese.

La conte, si podeve ben induvinâle, e fevele dal mont dai plui e il titul, chel o podin disvelâlu, al è... **Piere**.

**Us rivarà, come par solit, il 16, tor sere, e se ancjemò no sês iscrirts ae liste di Contecurte**, niçâisi. Al baste, come simpri, sometiil non e la direzion di pueste (la mail, insome) tal spazi achì sul sît e visâsi di rispindi ae mail che us rive.

E se o cognossês cualchidun che al à gust di lei par furlan, iscriveitlu a tradiment cu la sô mail, che un regâl in plui al è simpri biel ricevilu.

Chest mêś no fasin nissune Lotarie, ma **o vin tal cjâf altris regâi par i nestrîs iscrirts ae Liste** e us disìn ancje che la Ostarie, in chescj dîs, e je vivarose e a rivaran gnovis contis e cuissà, magari gnûfs Contecurtârs (da rest, se chês altris a sierin, par il gnûf decret, noaltris o sin simpri vierts!)

A proposit di Lotarie. Il mê passât no son saltâts fûr dutis lis striis e ducj i Benandants che a coventavin e a son vanzâts doi premis. Si che duncje, o vin decidût a la unanimitât (L'Ostîr cun dutis lis sôs personalitâts) di **lassâ i doi regâi ai doi Piçui Aiutants di Contecurte**, che s'ai son meretâts. Clare... ju vin obleâts ancje a sodisfâ lis esigjencjis dal **nestri sponsor di maiutis e mascarutis** e lôr no sin son tirâts indaûr. **Cjalait ca ce atôrs!**





Ma sierèn, come simpri, cul incipit de Conte dal Mês, par stiçâus un pôc.

Anzit... L'Ostîr us disvele - a cui che al à buine orele - la sorprese di chest mê. L'incipît, invezit di leilu... us al fâs scoltâ!